

優波離問經

劉宋求那跋摩譯

初八

彼時佛世尊遊舍衛祇樹給孤獨園於是賢者優波離往世尊所稽首畢一面坐一面坐已白世尊言唯世尊比丘成就幾事盡命非不依止優波離我比丘成就五事盡命非不依止何謂五不知布薩不知布薩劔暮不知戒不知說戒減五歲此優波離我比丘成就五事盡命非不依止優波離我比丘成就五事盡命不依止何謂五知布薩知布薩劔暮

知戒知說戒五歲過五歲此優波離我比丘成就五事盡命不依止復次優波離我比丘成就五事盡命非不依止何謂五不知請歲劔暮不知戒不知說戒減五歲此優波離我比丘成就五事盡命非不依止優波離我比丘成就五事盡命不依止何謂五知請歲知請歲劔暮知戒知說戒五歲過五歲此優波離我比丘成就五事盡命不依止復次優波離我比丘成就五事盡命非不依止何謂五不知犯非犯不知犯輕重不知犯

有殘無殘不知犯惡非惡減五歲此優波離
我比丘成就五事盡命非不依止優波離我
比丘成就五事盡命不依止何謂五知犯非
犯知犯輕重知犯有殘無殘知犯惡非惡五
歲過五歲此優波離我比丘成就五事盡命
非不依止優波離我比丘成就五事盡命非
不依止何謂五不知一制不知二制不知偏
制不知一切制減五歲此優波離我比丘成
就五事盡命非不依止優波離我比丘成就
五事盡命不依止何謂五知一制知二制知

偏制知一切制五歲過五歲此優波離我比
丘成就五事盡命不依止優波離我比丘成
就六事盡命非不依止何謂六不知犯非犯
不知犯輕重不知犯有殘無殘不知惡非惡
不廣利二部戒分別分部決定順經減五歲
此優波離我比丘成就六事盡命非不依止
優波離我比丘成就六事盡命不依止何謂
六知犯非犯知犯輕重知犯有殘無殘知犯
惡非惡廣利二部戒分別分部決定順經五
歲過五歲此優波離我比丘成就六事盡命

不依止四棄捐法

維耶離迦蘭陀子須提難故一制二制復姪犯

三事姪未食身波羅夷姪大食身土羅遮口

張男根入不振觸突吉羅不犯者不知不聽

狂心亂病先作

復次制羅閱祇瓦師子達貳迦故一制一制復

不與取犯三事不與偷數取五錢五錢餘直

波羅夷不與偷數取一錢餘減五錢直土羅

遮土羅遮重罪也不與偷數取一錢減一錢直突吉

羅突吉羅皆惡作不犯者已想同意有暫用饑鬼所

有畜生所有糞掃想狂先作

故斷人類命犯三事爲人當墮死掘坑者突

吉羅墮生苦痛土羅遮死者波羅夷不犯者

不故不知不故殺狂先作

不真實稱過人法犯三事欲著故不真實稱

過人法波羅夷又說彼精舍住比丘阿羅漢解

者土羅遮不解者突吉羅不犯者增上慢不

欲稱說狂先作四事竟

十三事

弄失精犯三事故弄失僧伽婆尸沙故弄不

失土羅遮方便突吉羅不犯者夢中若不欲狂先作

女人身相近犯三事身摩身僧伽婆尸沙身摩身衣上羅遮身衣摩身衣突吉羅不犯者不故不念不知不聽狂先作

與母人惡口語犯三事極稱說些毀大小便道僧伽婆尸沙除二道已極稱說些毀下雙膝上土羅遮極稱說些毀身衣突吉羅不犯者爲義爲法爲解狂先作

自歎供養犯三事向母人自歎供養僧伽婆

尸沙向不成男自歎供養土羅遮向畜生自歎供養突吉羅不犯者說衣食牀座病緣藥具供給狂先作

使行犯三事受思說僧伽婆尸沙受思不說土羅遮受而不思不說突吉羅不犯者爲僧爲福爲病行狂先作

自作屋犯三事方便作突吉羅一搏泥未至土羅遮彼泥至僧伽婆尸沙不犯者窟屋草菴屋爲他除住屋一切不犯狂先作
作大舍犯三事方便作突吉羅一搏泥未至

土羅遮彼泥至僧伽婆尸沙不犯者窟屋草
菴屋爲他除住屋一切不犯狂先作

無根波羅夷法驅棄犯三事不問作欲擯說
者僧伽婆尸沙突吉羅問作欲罵說者犯於
形相事不犯者淨見淨狂先作

比丘有少毫片異事受波羅夷驅棄犯三事
不問作欲擯說者僧伽婆尸沙突吉羅問作
欲罵說者犯於形相事不犯者如想語教語
狂先作

破僧比丘至三諫不捨犯三事白者突吉羅

再語土羅遮語竟僧伽婆尸沙不犯者不諫
而捨狂先作

勅破比丘至三諫不捨犯三事白者突吉羅
再語土羅遮語竟僧伽婆尸沙不犯者不諫
而捨狂先作

辱族比丘至三諫不捨犯三事白者突吉羅
再語土羅遮語竟僧伽婆尸沙不犯者不諫
而捨狂先作

戾語比丘至三諫不捨犯三事白者突吉羅
再語土羅遮語竟僧伽婆尸沙不犯者不諫

而捨狂先作十三事竟

三十事

餘衣過十日犯一事捨墮不犯者滿十日受若施送與失壞燒奪同意取狂先作

一夜離衣宿犯一事捨墮不犯者若向曉捨

送與失壞燒奪同意取比丘要狂先作初八五

取非時衣過月犯一事捨墮不犯者滿一月

受若施送與狂先作

取非親里尼衣犯二事方便取突吉羅取已捨墮不犯者親里貿易少易多多易少比丘

同意取暫取除衣餘物取六法尼沙彌尼狂先作

非親里尼浣故衣犯二事方便浣突吉羅浣已捨墮不犯者親里浣親里非親弟子不語而浣未著而浣除衣餘具浣六法尼沙彌尼狂先作

非親里居士婦求衣犯二事方便求突吉羅求已捨墮不犯者時故親里若請爲他自物狂先作

過足求衣犯二事方便求突吉羅求已捨墮

不犯者餘殘不爲奪作與不爲失作與親里
若請爲他自物狂先作

非親里居士居士婦本不請爲衣往自親犯
二事方便自親突吉羅自親已捨墮不犯者
親里若請爲他自物欲好作教不好作狂先
作

二非親里居士本不請爲衣往自親犯二事
方便自親突吉羅自親已捨墮不犯者親里
若請爲他自物欲好作教不好作狂先作
過三返語過六返住成衣與犯二事方便成

與突吉羅成與已捨墮不犯者三返語六返
住減三返語減六返住不語而與主語與狂
先作

繡所雜作卧敷犯二事方便作突吉羅作已
捨墮不犯者作帳覆地拘執蓐枕狂先作

純黑羊毛作卧敷犯二事方便作突吉羅作

已捨墮不犯者作帳覆地拘執狂先作

不取等白等捋作卧具犯二事方便作突吉

羅作已捨墮不犯者取等白等捋作取多白

多捋作取純白純捋作帳覆地狂先作

未六年而作卧敷犯二事方便作突吉羅作已捨墮不犯者六年作過六年爲他作教作他作得用作帳覆地拘執蓐枕比丘要狂先作

不取故卧敷緣善逝尺作新坐具卧敷犯二事方便作突吉羅作已捨墮不犯者取故卧具緣善逝尺作無有取少作都無有不取作他作得用作帳覆地狂先作

取羊毛過三由延犯二事初脚過三由延突吉羅兩脚過三由延捨墮不犯者三由延減

三由延三由延還奪更得棄更得教他領直狂先作

非親里尼浣羊毛犯二事方便浣突吉羅浣已捨墮不犯者親里浣非親里弟子不語而浣未用而浣領六法尼沙彌尼狂先作

取銀犯二事方便取突吉羅取已捨墮不犯者或園內園邊自取教取舉彼有者當取狂先作

種種賣銀行犯二事方便行突吉羅行已捨墮不犯者非銀非銀相似者不犯狂先作

種種販賣行犯二事方便行突吉羅行已捨
墮不犯者問價直示語作淨者是我物我須
是我須是狂先作

長鉢過十日犯一事捨墮不犯者滿十日受
若施送與失壞奪取同意取狂先作

減五綴鉢更作新鉢犯二事方便作突吉羅
作已捨墮不犯者失鉢破鉢親里若請爲他
自物狂先作

自乞縷織師織衣犯二事方便織突吉羅織
已捨墮不犯者縫衣禪帶鉢囊腰帶肩帶灑

水物親里若請爲他自物狂先作

非親里居士本不請爲衣往織師所自親犯
二事方便自親突吉羅自親已捨墮不犯者
親里若請爲他自物欲好織教不好織狂先
作

自與比丘衣瞋不可意奪者犯二事方便奪
突吉羅奪已捨墮不犯者彼與同意取狂先
作

取本衣過衣時犯一事捨墮不犯者當時受
若施送與失壞燒奪同意取狂先作

三衣隨其衣舉著家內過六夜離犯一事捨
墮不犯者六夜離減六夜離六復至村內宿
而去六夜向曉捨送與失壞燒奪同意取比
丘要狂先作

過春餘月求雨被衣犯二事方便求突吉羅
求已捨墮不犯者春餘月求春餘半月持減
春餘月求減春餘半月持至夏捨浣舉奪水
失衣時著急事狂先作

知物向僧自求犯二事方便求突吉羅求已
捨墮不犯者問與誰隨君施法用可得善利

隨君心與狂先作

取藥過七日犯一事捨墮不犯者滿七日受
送與失壞燒奪同意取至成棄與未具戒得
服狂先作

三十事竟

九十二事

知而妄語犯五事欲著故不真實稱過人法
波羅夷無根波羅夷法驅棄僧伽婆尸沙說
彼精舍住比丘阿羅漢解者土羅遮不解者
突吉羅知而妄語波逸提不犯者本說誤說
狂先作

形相犯二事形相未具足突吉羅形相具足
波逸提不犯者爲義爲法爲解狂先作

兩舌犯二事具足所兩舌波逸提未具足所

兩舌突吉羅不犯者不欲作別離狂先作

知如法止更舉犯二事方便舉突吉羅舉已

波逸提不犯者非法群黨知非劍暮作劍暮

故舉狂先作

母人說法過六語犯二事方便說突吉羅句

句波逸提不犯者有可知男說五六語減五

六語起更坐說爲異母人問事答事爲他說

母人聽狂先作

未具足說句法犯二事方便說突吉羅句句

波逸提不犯者教誦狂先作

實上人法向未具足人說犯二事方便向說

突吉羅向說已波逸提不犯者向具足實狂

先作

向未具足說比丘所犯罪犯二事方便向說

突吉羅說已波逸提不犯者向說牀不事事

若說非牀比丘要狂先作

同僧與衣後違法犯二事方便違突吉羅違

已波逸提不犯者愛恚癡畏與破不成與故
違狂先作

知物向僧求與人胡本云與私也犯二事方便求突
吉羅求已波逸提不犯者問與誰隨君施法
用可得善利隨君心與狂先作

毀訾律犯二事方便毀訾突吉羅毀訾已波
逸提不犯者不欲毀訾言誦經偈阿毗曇已
然後當誦律狂先作

斫鬼村犯二事方便作突吉羅下下波逸提
不犯者知此與此取此須此此語淨作不念

不知狂先作

訶責比丘犯二事方便訶責突吉羅訶責已
波逸提不犯者性愛恚癡作恐怖故訶責狂
先作

餘語犯二事事未成餘語突吉羅事成餘言

波逸提不犯者不知問病不答打僧罵諍故
破僧競故非法黨故非劬暮作劬暮故不答
狂先作

僧牀榻蓐拘執露地布置不舉不別去犯二
事初旃過去突吉羅兩脚過去波逸提不犯

者舉去教別去曬去緣礙急事狂先作

僧堂舍布置宿不舉不別去犯二事初脚過
闕突吉羅兩脚過波逸提不犯者舉去別去
緣礙暫出住彼白緣礙急事狂先作

比丘瞋不可意驅出僧房犯二事方便驅出
突吉羅驅出已波逸提不犯者無慙故驅出
教驅彼物具出教出狂故打罵諍亂作鬪僧
故弟子不如法故驅出教驅彼物具出教狂
先作

知比丘先住相近宿犯二事方便卧突吉羅

卧已波逸提不犯者病故住寒熱故住急事
狂先作

僧房重閣屋尖脚牀檣用力坐犯二事方便
用力坐突吉羅用力坐已波逸提不犯者非
閣屋圍脚牢無有住者立過取物狂先作

知蟲水澆泥草犯二事方便澆突吉羅澆已
波逸提不犯者不故不知不念狂先作

過是再三重苦者犯二事方便苦突吉羅苦
已波逸提不犯者再三重減再三重窟屋草
屋爲他自物除住居一切不犯狂先作

不差教比丘尼犯二事方便教突吉羅教已
波逸提不犯者問誦師語誦問事答事爲他
說尼聽六法尼沙彌尼狂先作

教比丘尼日入者犯二事方便教突吉羅教
已波逸提不犯者問誦師語誦問事答事爲

他說尼聽六法尼沙彌尼狂先作

往尼舍教犯二事方便教突吉羅教已波逸
提不犯者時故問誦師語誦問事答事爲他
說尼聽六法尼沙彌尼狂先作

說貪食教尼犯二事方便說突吉羅說已波

逸提不犯者說水牀座病緣藥具供順敬重
供養故教狂先作

共尼同一道行犯二事方便行突吉羅行已
波逸提不犯者時故不相隨去尼隨去比丘
不隨不要去急事狂先作

共尼同船上犯二事方便上突吉羅上已波
逸提不犯者渡不相隨上尼隨上比丘不隨
上不要去急事狂先作

與非親里尼衣犯二事方便與突吉羅與已
波逸提不犯者親里貿易少易多多易少尼

同意取暫取除衣餘物取六法尼沙彌尼狂先作

縫非親里尼衣犯二事方便縫突吉羅針針波逸提不犯者親里除衣縫餘物教六法尼沙彌尼狂先作

共一尼一處坐犯二事方便坐突吉羅坐已十二波逸提不犯者有可知男伴立不坐無異意坐狂先作

共一母人一處坐犯二事方便坐突吉羅坐已波逸提不犯者有可知男伴立不坐無異

意坐狂先作

知尼歎飯食犯二事當食而受突吉羅口口波逸提不犯者舊檀越六法尼沙彌尼除五種食一切不犯狂先作曇摩羅叉云五種食者麤餅魚肉黃麥飯也

展轉食犯二事當食而受突吉羅口口波逸提不犯者時故彼二請一處一食舉村請已隨彼食衆人請已隨彼食請時比丘言當去常食籌食月半說戒月朝除五種食一切不犯狂先作

過是所住食犯二事當食而食突吉羅口口
波逸提不犯者病故不病食去已更來食者
主請為設食若不足除五種食一切所犯狂
先作

過滿兩三鉢取犯二事方便取突吉羅取已
波逸提不犯者滿兩三鉢減再三鉢親里若
請為他自物狂先作

請食已不囑食而食犯二事當食而受突吉
羅口口波逸提不犯者囑而食囑已當食而
受為他受時須七日

胡本七日者皆終身因
言七時無日字

緣食狂先作譯者解云因緣食者食已不囑
後飢須當自求乞一鉢食投與
彼囑食比丘比丘即一口或
五三口食已還投與得數

比丘請食已不囑食強請食犯二事彼言當
受食者突吉羅食竟波逸提不犯者與囑者
食為他與去時須七日終身因緣與食狂先
作

群食犯二事當食而受突吉羅口口波逸提
不犯者時故兩一處食乞共一處食常食壽
食月半說戒月朝除五種食一切不犯狂先
作

非時所食所噉者犯二事當食而受突吉羅
口口波逸提不犯者時須七日終身狂先作
舉所食噉食噉者犯二事當食而食突吉羅
口口波逸提不犯者隨時隨時食時須時須
食七日七日食終身食食狂先作
不受著口中犯二事當食而取突吉羅口口
波逸提不犯者水及齒木狂先作
自爲求好食食犯二事當食而受突吉羅口
口波逸提不犯者病爲病者求不病食病者
殘親里若請爲他自物狂先作

知水蟲飲犯二事方便飲突吉羅飲已波逸
提不犯者知飲水蟲不死而飲狂先作
有食舍相近坐犯二事方便坐突吉羅坐已
波逸提不犯者大家行牀檢手足坐小家牀
不相接坐比丘有伴俱出俱姪罷非宿屋狂
先作
初八
十四
屏障處共母人牀坐犯二事方便坐突吉羅
坐已波逸提不犯者有可知男伴立不坐無
異意坐狂先作
目手與無衣異學夫婦食犯二事方便與突

吉羅與已波逸提不犯者教與不自與放地與狂先作

去視軍發行犯二事當去突吉羅立彼視波逸提不犯者住精舍見比丘或立坐卧來去見因緣急事狂先作

過二夜軍宿犯二事方便宿突吉羅宿已波逸提不犯者二夜宿減二夜宿三夜向曉復宿病故爲病軍將逼留緣礙急事狂先作去視戰陣犯二事當去突吉羅立彼視波逸提不犯者住精舍見比丘或立坐卧來去有

所作去急事狂先作

比丘瞋不可意與手捲犯二事方便與突吉羅與已波逸提不犯者觸嬈欲脫故與狂先作

比丘瞋不可意舉手相恐犯二事方便舉突吉羅舉已波逸提不犯者觸嬈欲脫故舉狂先作

知比丘犯罪覆藏犯一事波逸提不犯者打僧罵故群諍故不向說破僧競故不向說剛强害命復梵行不見餘好比立不欲覆藏知

自現故狂先作

比丘若來村邑食彼人已或與或不與遣者犯二事方便突吉羅遣已波逸提不犯者俱一處不足故遣見貴物相打起貪法故遣見母人起不樂故遣病守精舍與食而遣欲作非威儀故遣狂先作

然火炙犯二事方便然突吉羅然已波逸提不犯者病故他作而炙油火蛇窟因緣急事狂先作

法事可作已後遣法犯二事方便遣突吉羅

遣已波逸提不犯者非法黨故知非劬暮作劬暮狂先作

未具足過二夜同宿犯二事方便卧突吉羅卧已波逸提不犯者二夜住減二夜住三夜向曉復住一切覆不障一切障不覆都不覆不障未具足卧比丘坐比丘卧未具足坐俱坐狂先作

惡見至三諫不捨犯二事白者突吉羅語竟波逸提不犯者不諫而捨狂先作

知是非法語比丘不捨所見共止犯二事方

便共止突吉羅共止已波逸提不犯者知未
舉若罷捨見狂先作

知是擯沙彌安處犯二事方便安處突吉羅
安處已波逸提不犯者知不捨擯見狂先作
取寶犯二事方便取突吉羅取已波逸提不
犯者寶似寶者或園內園邊自取教取舉彼
有者當取似寶者同意取暫取糞掃想取狂
先作

不取三惡色作親衣著犯二事方便著突吉
羅著已波逸提不犯者取著作淨已失脫減

以淨縫襍不淨補緣狂先作

減半月浴犯二事方便浴突吉羅浴竟波逸
提不犯者時故半月過半月卒行浴邊國中
狂先作

故斷衆生命有四種爲當墮死掘坑者突吉
羅人墮死波羅夷闕又餓鬼畜生人像者墮
死土羅遮畜生墮死波逸提不犯者不故不
知不欲殺狂先作

故弄比丘悔犯二事方便弄突吉羅弄已波
逸提不犯者不欲弄悔知不滿二十與具足

知過時食知飲酒知與母人共屏處坐知此
教悔狂先作

指狂笑犯二事方便笑突吉羅笑已波逸提
不犯者不欲笑有事故狂先作

水戲犯二事没水下戲突吉羅在水上戲波
逸提不犯者不欲笑有事入水或没或出波
故去急狂先作

母人同宿犯二事方便卧突吉羅卧已波逸
提不犯者一切覆不障一切障不覆都不覆
不障母人卧比丘坐比丘卧母人坐俱坐狂

先作

比丘恐怖犯二事方便怖突吉羅怖已波逸
提不犯者不欲怖有賊惡蟲毗舍遮故示色
聲香味細滑狂先作

藏衣鉢坐具鍼筒腰帶犯二事方便藏突吉
羅藏已波逸提不犯者不欲笑惡處與舉若
舉說法已與狂先作

比丘比丘尼六法尼沙彌沙彌尼所自求衣
著不與直犯二事方便著突吉羅著已波逸
提不犯者彼與同意取狂先作

比丘無根僧殘法驅棄犯二事方便驅突吉
羅驅已波逸提不犯者如想語教語狂先作
知盜共一道行犯二事方便行突吉羅行已
波逸提不犯者不相隨去人隨去比丘不隨
去要急事狂先作

共母人一道行犯二事方便行突吉羅行已
波逸提不犯者不相隨去母人隨去比丘不
隨去不要去狂先作

知人年減二十與具足犯二事方便與具足
突吉羅與具足已波逸提不犯者年減二十

想滿與年滿二十與具足狂先作
掘地犯二事方便掘突吉羅下下波逸提不
犯者知此與此須此取此此語淨作不故不
念不知狂先作

過是求藥犯二事方便求突吉羅求已波逸
提不犯者請是藥求是藥請中夜者求中夜
請我此藥我少此藥示須此藥親里若請爲
他自物狂先作

比丘說法時語若我不學此所學戒當問餘
真持律比丘犯二事方便語突吉羅語已波

逸提不犯者言當知當學狂先作

知比丘相打罵諍立聽犯二事當去突吉羅
立聽已波逸提不犯者聽此已當捨止息當
自避故去狂先作

僧斷事時不囑起去犯二事輕而離突吉羅
離已波逸提不犯者打僧罵故亂闢諍故去
破僧競故去非法群黨非劔暮作劔暮若病
為病急大小便不欲壞劔暮正爾當還故去
狂先作

作擾動犯二事方便作突吉羅作已波逸提

不犯者如我師所受問著說狂先作

飲酒犯二事當飲而取突吉羅口口波逸提
不犯者非酒似酒氣味在羹中狂先作

有比丘不白非時入村犯二事初脚發過突
吉羅兩脚過波逸提不犯者急有所作有比
丘白去無比丘不白去精舍去尼舍去異學
處去道由村過急事狂先作

請食時有比丘不白食前食後彼舍中行犯
二事初脚發過突吉羅兩脚過波逸提不犯
者時故有比丘白而入無比丘不白入家邊

道他家去園內去尼舍去異學處去急事狂
先作

先未通入王門犯二事初脚發過突吉羅兩
脚過波逸提不犯者先通非王種不拜爲王
王夫人俱出宿屋狂先作

貢高犯二事事未成貢高突吉羅事成貢高
已波逸提不犯者不欲貢高不廣聞減再三
反聞狂先作

骨牙角作鍼筒犯二事方便作突吉羅作已
波逸提不犯者禪鎮攢藥筒藥七

梵本用抄
藥著服中

物不
名也斧拂柄狂先作

過量作牀檣

梵本不言檣音
似名小牀也

犯二事方便作

突吉羅作已波逸提不犯者如量作減作他
作過量得截用狂先作

綿纏結作牀檣犯二事方便作突吉羅作已

波逸提不犯者禪帶腰帶鉢囊漉水物作笮
他作得破用狂先作

過量作兩被犯二事方便作突吉羅作已波
逸提不犯者如量作減作他過量作得截用
狂先作

過量作泥洹僧犯二事方便作突吉羅作已
波逸提不犯者如量作減作他過量作得截
用狂先作

過量作坐具犯二事方便作突吉羅作已波
逸提不犯者如量作減作他過量作得破用

初八

二十

狂先作

如如來水量作水犯二事方便作突吉羅作
已波逸提不犯者減作他過量作得截用狂

先作

九十二
事竟

四悔過法

譯者解云四悔者或言應
說法或言應發露者也

入家內自手取非親里尼食犯二事當食而
取突吉羅口口是悔過不犯者親里教與不
自與放地與精舍內與時須七日終身因緣
六法尼沙彌尼狂先作

比丘尼索不訶而食犯二事當食而受突吉
羅口口是悔過不犯者自有食教與不自與
他有食與不教與教與未得食者六法尼沙
彌尼除五種食一切不犯狂先作

拜為學家中自手取食犯二事當食而取突
吉羅口口是悔過不犯者若請若病請者病

者殘常食時須食七日終身因緣狂先作

阿練若住處中先不差園外自手取食犯二

事當食而取突吉羅口口是悔過不犯者若

差若病瘥者病者殘山所生根皮葉華果時

須七日終身狂先作

四悔過竟

衆多法

海八

世

前後參差著泥洹僧突吉羅不犯者不故不

念不知病急事狂先作

前後參差被衣突吉羅不犯者不故不念不

知病急事狂先作

露身入家內突吉羅不犯者不故狂先作

露身坐家內突吉羅不犯者不故不念不知

病眠急事狂先作

訶責入家內突吉羅不犯者不故不念不知

病急事狂先作

訶責坐家內突吉羅不犯者不故不念不知

病急事狂先作

左右視入家內突吉羅不犯者不故狂先作

左右視坐家內突吉羅不犯者不故不念不

知狂先作

作大高聲入家內突吉羅不犯者不故狂先作

作大高聲坐家內突吉羅不犯者不故不念不知狂先作

蹲入家內突吉羅不犯者不故狂先作

覆頭入家內突吉羅不犯者不故不念不知

病眠急事狂先作

覆頭坐家內突吉羅不犯者眠狂先作

現曾入家內突吉羅不犯者不故狂先作

現曾坐家內突吉羅不犯者不故不念不知

病眠急事狂先作

下垂坐家內突吉羅不犯者不故不念不知

病眠急事狂先作

抄衣入家內突吉羅不犯者不故狂先作

抄衣坐家內突吉羅不犯者不故不念不知

病眠急事狂先作

搖臂入家內突吉羅不犯者不故狂先作

搖身坐家內突吉羅不犯者不故不念不知

病眠急事狂先作

搖頭入家內突吉羅不犯者不故不念不知

狂先作

搖頭坐家內突吉羅不犯者不故不念不知
病眠急事狂先作

弄手脚入家內突吉羅不犯者不故狂先作
弄手脚坐家內突吉羅不犯者不故狂先作

不端一受飯突吉羅不犯者不故狂先作

左右視受飯突吉羅不犯者不故狂先作

多取羹突吉羅不犯者不故不念不知病若

種種親里若請爲他自物急事狂先作

堆受飯突吉羅不犯者不故狂先作

臥堆飯食突吉羅不犯者不故不念不知病
臥殘著一處食急事狂先作

不端一食突吉羅不犯者不故狂先作

處處採飯食突吉羅不犯者不故不念不知
病採與他採出急事狂先作

多羹食突吉羅不犯者不故不念不知病種

種種親里若請自物急事狂先作

大作搏突吉羅不犯者不故不念不知病若

餅果急事狂先作

長作搏突吉羅不犯者不故不念不知病餅

果急事狂先作

搏未至張口突吉羅不犯者不故狂先作
含飯語突吉羅不犯者狂先作

一切手入口突吉羅不犯者不故狂先作

作噉噉食突吉羅不犯者不故狂先作

作吸食突吉羅不犯者不故狂先作

舐脣食突吉羅不犯者不故不念不知病急

事狂先作

吐舌食突吉羅不犯者不故不念不知病急

事狂先作

縮鼻食突吉羅不犯者不故不念狂先作

截團食突吉羅不犯者不故不念不知病若
餅果急事狂先作

作吐出食突吉羅不犯者不故不念不知病

若餅果急事狂先作

舐手食突吉羅不犯者不故不念不知狂先
作

放鉢食突吉羅不犯者不故不念不知病放
殘著一處食急事狂先作

振手食突吉羅不犯者不故不念不知病急

事狂先作

作酪飯食突吉羅不犯者不故不念不知病
急事狂先作

膩手取水噐突吉羅不犯者不故不念不知
病當洗教洗故取急事狂先作

自爲索羹飯食突吉羅不犯者不故不念不
知病親里若請爲他自物急事狂先作

羹上覆飯突吉羅不犯者不故不念不知主
覆與不欲更得急事狂先作

訶想視他鉢突吉羅不犯者不故不念不知

不訶想視急事狂先作

澡鉢水有飯寫家內突吉羅不犯者不故不
念不知病撩去若破寫外急事狂先作

爲騎乘說法突吉羅不犯者不故不念狂先
作

後行爲前說法突吉羅不犯者不故狂先作
道外爲道中說法突吉羅不犯者不故狂先
作

地坐爲牀上說法突吉羅不犯者不故不念
不知病急事狂先作

卑牀為高牀坐說法突吉羅不犯者不故不
念不知病急事狂先作

立為坐說法突吉羅不犯者不故不念不知
狂先作

為卧說法突吉羅不犯者不故狂先作

為覆頭說法突吉羅不犯者不故不念不知
露頭急事狂先作

為纏頭說法突吉羅不犯者不故不念不知
病露髮急事狂先作

為垂衣坐說法突吉羅不犯者不故不念狂

先作

為著屣說法突吉羅不犯者不故狂先作
為著屣說法突吉羅不犯者不故不念狂先
作

為持杖說法突吉羅不犯者不故狂先作
為持蓋說法突吉羅不犯者不故狂先作
為持刀說法突吉羅不犯者不故不知狂先
作

為持器杖梵本音不言器杖也更有名難轉也說法突吉羅不
犯者不故不念狂先作

生草上作大小便洩唾突吉羅不犯者不故

不知病非生草用拭急事狂先作

水中作大小便洩唾突吉羅不犯者不故不

念不知病水邊洗急事狂先作

立作大小便突吉羅不犯者不故不念不知

病狂先作衆多七十四竟

優波離問經

音釋

牝

莫江切也

國

白闕起逼切也

苦

矢廬切也

襟

結切

掙

焦貌

撞也

國

正手取也

號

嚙集

襟

結切